



16. marts 2009

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquteqaatit makkua apeqquteqaatiginiarpakka:

Puisit amiinik tunisinermut, ICC, KNR aamma nunaqarfinnik inissialiornermut tunngatillugu Naalakkersuisunut apeqquteqaatit
(Inatsisartunut ilaasortaq Jens B. Frederiksen, Demokraatit)

Tunngavigisaq:

Meeqqanut aningaasaliissutit piniartunut tapiissutinit, nunaqarfinnut, ICC-mut kiisalu KNR-imut aningaasaliissutinit pingaarnerusumik inissinneqarnissaannik Demokraatit siunnersuuteqarnerat sakkortooujussarmik uparuartorneqarpoq.

Kisiannili uparuartuineq qanorluunniit annertuitigigaluarpat taamatut isumaqarnitsinnik allannguinnissamut pilersaaruteqanngilagut. Illuatungaatigulli apeqquteqaatinik makkunanga apeqquteqarniarpugut, tassami sooq pisortaniit aningaasaliiffigineqartartut taakkua ilanngaaffigineqarnissaannik tikkuaasimanitta tunngavilersorneqarnissaannut iluaqutaasinnaaniassammata.

Puisit amii:

2007-imi aammalu 2008-mi puisit amii qassit ammerivimmut Great Greenland-imut tunineqarsimappat?

Ammeriviup Great Greenland-ip 2007-imi kiisalu 2008 puisit amii qassit nunarsuarmi niuvernernut tunisimavai?

Maannakkorpiaq ammeriviup Great Greenland-ip puisit amii qassit toqqorsivimmimi uninngasuutigai?

Puisit amii qanoq sivisutigisumik uningasuufigineqareeraangata allatut ajornartumik atorunaarsinneqartarpat?

Nunaqarfinni inissianik sanaartorneq:

Ukiut marluk ingerlanerini nunaqarfinni isorliunerusunilu inissianik sanaartornermi aningaasaliissutit 10 millioner kronenik Naalakkersuisut naliliisimaneranni konto pingaarneq 87 72 22 aqqutigalugu ilanngaannissamut aalajangersimanerat sumik tunngaveqarpat?

Kontomi pingaarnermi (87 72 22 nunaqarfinni isorliunerusunilu inissianik sanaartorneq) aningaasaliissutit qanoq annertutigisut 2007-imi 2008-milu atunngitsoorneqarsimappat?

ICC:

Namminersornerullutik Oqartussat aningaasaliissutigisartagaasa saniatigut aningaasat qanoq anertutigisut ICC-p allaniit pissarsiarisarpai? Aningaasat qanoq annertutigisut ICC-p



DEMOKRAATIT
DEMOKRATERNE

aningsarsianut atortarpaat?

KNR:

KNR TV-kkut aammalu radio-kkut nuna tamakkerlugu aallakaatitsisartuni kisiartaavoq. KNR-p ukiumut aningaasat qanoq annertutigisut pilerisaarutigut, ussasaarutigut assigisaasigulugu isertittapai?

Naalackersuisut qinnuvigineqassapput apeqquteqaatit ullut suliffiusut qulit qaangiutsinnagit kissuteqarfigeqqullugit.